

全 國

名醫驗案類編

續編

第三冊

類中風病案
霍亂病案

虛勞病案
神經病案

上海大東書局印行



當代
全國

名醫驗案類編續編目錄

二集 雜病案

第七卷 類中風病案

痰厥危症案

尹性初

中風脫症案

尹性初

傷風變爲陽厥案

尹性初

風痙案

蘇致堅

中風案

朱阜山

孕婦痙厥案

尹性初

食厥壞證案

顧振呼

痙病案

莊雲廬

痰癖痼疾案.....尹性初

痰厥案.....尹性初

眩暈案.....尹性初

熱夾驚瘧案.....李達三

燥瘧案.....錢存濟

暴中風痰案.....吳介誠

時疫霍亂案.....劉厚崑

產後血虧案.....蔡世信

勞傷過度案.....蔡世信

卒中痿厥案.....李子郁

寒瘧案.....李達三

濕痰驚搐案.....陳保安



暑厥案.....王玉玲

風痺案.....蔡菊農

剛痺案.....葛蔚堂

暑溫夾積中毒案.....錢存濟

停食痛厥案.....龔正修



南京中医药大学图书馆版权所有

當代
全國名醫驗案類編續編

二集 雜病案

泰和劉守仁山房珍藏

第七卷 類中風

○痰厥危症案

尹性初
湖北武昌

【病者】圻者魏祥泰之弟、年近三十、住大朝街南、

【病名】痰厥危症、

【原因】清晨解衣做工、傷風而發、

【症候】僵臥不省人事、痰築聲吼、手足厥冷、

【診斷】六脈緊數有力、審係飽食、傷風痰氣、卒閉之實症也、

【療法】閉者通之、高者越之、先用麝香通關等藥、開其壅閉、再用麻桂發表以



祛、腠、理、之、邪、硝、黃、降、逆、以、通、下、焦、之、氣、南、星、礞、石、半、夏、生、薑、以、墜、壅、滯、之、痰、乾、薑、蒼、朮、以、行、上、泛、之、水、用、細、辛、引、導、諸、藥、而、速、奏、其、效、也、

【處方】先用生薑切破。醮沸水。將肺腧二穴。尺澤委中穴。推現紫色。以疏通氣血。

麝香 二釐 牙皂末 五分 細辛末 五分 明礬 五分

生薑汁少許。微煎灌之。須臾吐痰碗許。病勢大減。

麻黃 一錢 桂枝 一錢 膽南星 二錢 青礞石 二錢

半夏 三錢 細辛 五分 生薑 一錢 蒼朮 三錢

乾薑 五分 大黃 三錢 芒硝 四錢 水煎服

【次診】進一劑。瀉動數次。諸症悉除。再擬方調氣和中。

【次方】焦冬朮 三錢 黃芩 二錢 瓜蒌仁 三錢 半夏 二錢

陳皮 二錢 茯苓 三錢 砂仁 八分 甘草 五分



【效果】進三劑，即復常度。此係少年壯盛風痰暴病，若年老氣虛人，又當審慎用之。

【遠按】同一猝倒，而虛實迥異，此症全在脈實上認確，便可大膽施治，用藥亦極有次第，惟次方苓朮呆滯，尚須斟酌耳。

○中風脫症案

尹性初
湖北武昌

【病者】吳幹丞，年四十七，武昌總商會會長，住漢口德租界。

【病名】中風脫症。

【原因】體質原屬水盛氣虛。壬戌曾患氣脫症，經余治愈。越七年己巳正月十五日，開會閱卷，勞神過度，又見脫症。

【症候】一起筆忽落地，不識人，舌瘡不能言，右手足廢不能舉，口舌右斜，右半身汗出發熱，煩燥不寧，脫帽掀衣，呵欠不絕，口。

【診斷】脈浮大而虛，按之無力，舌上白苔滑，此寒也。寒盛不能蒸動水源，以化。



氣則水盛而氣虛過勞則氣傷而氣愈虛不能灌注右旁故右手足不
仁少陰脈係舌本少陰氣厥不至故舌瘖不能言君火不明元氣不能
上達於腦故不識人虛陽外越故有汗出等症也

【療法】急當溫補元陽切不可用風藥散氣潤藥滯氣

【處方】生黃耆 四兩

吉人參 五錢

炮附塊 二兩

乾薑 五錢

淥水桂 五分

【次診】進二劑汗收神清即無煩燥之象脈漸沉小元氣漸回能平臥以牛肉

汁調薄粥與食每進半碗惟審氣虛則不能運送血液而血必滯故於
溫補藥中稍佐紅花以行血

【次方】生黃耆 四兩

高麗參 一兩

焦冬朮 一兩

炮附塊 一兩

均薑 三錢

淥水桂 二分

藏紅花 五分

水煎服

【三診】進六劑口舌漸正欲言間能成一二字所開方案必自閱過初起小洩



日夜八九次。今止三四次。惟大便八日未行。亦無所苦。乃於溫補藥中。佐以導滯潤腸之品。

【三方】生黃耆 二兩

高麗參 八錢

焦冬朮 一兩

炮附塊 一兩

巴戟天 六錢

遠志肉 一錢

石菖蒲 一錢

乾薑 一錢

關鹿茸 一錢

肉蓯蓉 四錢

杭白芍 二錢

水煎服

【四診】四劑大便日一行。漸能言語。右手足漸能舉動。惟間見滑精。審係氣不足。以攝精也。決非龍牡所能固澀。仍將參耆加重。

【四方】米炒黃耆 三兩

高麗參 一兩

關鹿茸 一錢

炮附塊 八錢

焦冬朮 二兩

戈半夏 一錢

化橘紅 一錢

熟地 四錢

肉蓯蓉 三錢

【五診】進六劑。語言自如。飲食漸增。顏色已復原狀。惟大便日行二次。即將熟

地蓯蓉減去。以免滑腸。於溫補藥中略加白芍牡蠣。取治寒以熱涼而



行之之義令其多服調理。

【五方】米炒黃耆 三兩

高麗參 一兩

炮附塊 六錢

乾薑 一錢

蘇半夏 三錢

廣陳皮 二錢

巴戟天 六錢

牡蠣 三錢

白芍 二錢

龍眼肉 十枚

紅棗 十枚

水煎服

【效果】調理兩月。漸能扶杖緩步。此寒風脫症。十難救一。大法宜溫固氣脫。大補元陽。以關乾坤而揭日月。即導滯化痰之品。亦宜少用。若認作風治。雜以風藥。或用消導。未有不危殆立見者。其戚左君仁親言。第三日曾服某方。內雜天麻鈎藤等風藥一次。神又不清。第五日服西醫下劑。比時陰縮。皆急煎余方連進。始脫於危。其明徵也。附錄於此。俾臨症者知審擇焉。

遠按斯病斯治。原屬正當。惟病家或戚好中之知醫者。如必欲雜以風藥。以顧標。則防風尚可酌用。蓋醫者對於病家及患者戚好之意見。宜酌量。



採納。若嚴厲拒絕。不稍假以詞色。亦足誤事。書此以爲醫者告。

○傷風變爲陽厥案

尹性初
湖北武昌

【病者】唐內親家劉夫人。年近四十。住武昌昌明鄉。

【病名】傷風變爲陽厥。

【原因】體瘦血虛。素多熱疾。感風而發。

【症候】手足突伸。齒齬口噤。身體強直。不省人事。惡寒戰慄。手微握者。片時即閉目僵臥。兩顴發赤。目窠色青。遍身厥冷。胸前微溫。不大便二日。與飲尚能嚥下小便。尚利。

【診斷】脈沉遲而微。重按則無。審係陽氣拂鬱於內。不能營運於外。則爲陽厥。而似陰症。陽實脈應數實。今反沉遲而微。津液傷而營衛之行不利也。兩顴發赤。肝火上擾也。目窠發青。肝陰已傷也。強直齒齬口噤。熱甚灼筋勁切者。燥金之象。風木爲病。反見燥金之化也。惡寒戰慄。乃心火亢。



甚而戰兼水化制之故寒慄也。大便秘。風熱內結也。閉目不語。肺金主聲。心火乘肺金。而神濁氣鬱也。惟幸小便尚利。津液未亡。為可治。

【療法】仲聖治身冷脈遲。有大承氣湯法。治筋強欲作瘕。有竹葉湯法。乃本其旨。用大承氣湯。瀉陽明之燥氣。而救津液。清少陰之熱氣。而復元陰。加防風葛根。以宣通怫鬱。而祛經絡之邪。酒芩以平少陽之火。桔梗以開提肺氣。歸芍養血以榮筋。白朮煨土以制火。炮附子以引陽歸根。

【處方】防

風

二錢五分

葛

根

三錢

酒子芩

二錢

桔

梗

二錢

厚

樸

二錢

枳

實

二錢

當

歸

二錢

白

芍

二錢

白

朮

二錢

炮附塊

二錢

大

黃

三錢

芒

硝

四錢

水煎服

先推拿委中曲池風府。以疏通氣血。而使筋脈柔和。口齒即鬆。

【次診】進一劑。導動三次。身溫脈出。神清能言。為裏熱除。而陰陽和也。再以竹葉石膏湯。去粳米。加生地地骨皮。以清餘熱。而養陰液。

【次方】竹葉三錢 麥冬三錢 黨參三錢 生石膏三錢

半夏二錢 生地三錢 地骨皮三錢 生甘草一錢 煎服

【三診】連進二劑、食糜粥兩次。六脈漸平勻。惟頭微悶。心微慌。乃以四物湯養血。加梔子、丹皮、涼血而解虛煩。菊花、薄荷、變暴風爲和風。茯苓、砂仁、甘草、以調和胃氣。

【三方】川芎二錢 菊花二錢 薄荷一錢 當歸三錢

白芍二錢 生地三錢 丹皮一錢 梔子三錢

茯苓三錢 砂仁一錢 生甘草一錢 水煎服

【效果】進二劑、氣血調和而諸疾悉除矣。

〔遠按〕證候危急如此、幾至無可下手、看他獨從不大便二日上着眼、融會仲景心法、投大承氣以收摧陷廓清之效、心靈手敏、是真能善讀長沙書者、



○風痧案

蘇致堅 住上海市裏馬路一二零五

【病者】王左、泰興人、住浦東南碼頭、擯煤爲業、

【病名】風痧、

【原因】素有頭旋心煩盜汗、陰分本虧、今夏四月十三日因力疾工作、偶感疫

邪、倏爾昏痧、

【症候】一起卽神志沉迷、自汗如浴、身熱如燔、口噤手握、角弓反張、如真中風狀。

【診斷】脈洪大而數、舌乾赤無津、此疫邪從口鼻吸入、傷於心胞之絡內、則心液不足、鬱火上騰、火燥金傷、不能平木、風木動搖、致成風痧。

【療法】急以辛涼平定風木、芳香化濁開竅、甘寒養液、保持心君。

【處方】羚羊角 六分

粉丹皮 一錢

鮮金釵 三錢

銀花朵 二錢

連翹心 二錢

鮮京菖 一錢

鈎 藤 二錢

鮮生地 五錢

大麥冬 三錢

竹葉心 三錢

安宮牛黃丸 一粒
化下

【覆診】一服後風平炎滅。神志漸清。惟脈仍洪數未靖。舌燥津無。時有噎咳。是熱邪甫退。真陰未復。餘焰上干於肺。肺失清肅之令。故液乾而噎咳也。再議抑木清金。佐以潤燥。

【次方】桑 葉 二錢

菊 花 一錢

杏 仁 二錢

桔 梗 一錢

鮮石斛 三錢

花 粉 二錢

麥 冬 二錢

白蒺藜 二錢

梨 皮 三錢

大貝母 三錢

蘆 根 五錢

【三診】太陰邪熱漸平。咳痰漸豁。陽明燥氛未盡。便秘難更。午後時行潮熱。寤難安寐。脈象反見小數。急擬增液承氣。加減蕩滌中焦之實。而救已虛之陰。

【三方】生 地 三錢

大麥冬 三錢

瓜 蒌 五錢

大貝母 三錢

箱大黃 三錢

枳 實 一錢

梨 汁 半杯

蔗 漿 半杯



【四診】便解二次。苔潤津回。脈靖身涼。都是佳候。惟午後潮熱如故。夜間寤不成眠。咳逆未已。顯屬肺胃未和。痰熱內擾。再擬清潤滌痰。

【四方】生苡仁 三錢

杏仁 三錢

茯苓神 各三錢
礞衣

益元散 三錢

括蕒皮 三錢

大貝母 三錢

秫米 三錢

陳膽星 八分

竹茹 五分

蘆根 二錢

【五診】前方連服三劑。諸症悉屏。惟夜寐不沉。寅卯間必有自汗。當擬雙培氣血。

【五方】南沙參 三錢

茯苓神 各三錢

生白朮 一錢

當歸 一錢

白芍 一錢

青龍齒 三錢

黃耆 二錢

生牡蠣 五錢

浮小麥 五錢

【效果】三服後眠食如恆而愈。

按此症前後服方十數帖。從未表散。純以清潤而愈。緣體質素弱。陰分

本虛熱邪逆傳。化火動風。不能再議溫散也。

○**選按**此案得力在從未表散一着。即芩朮劫津。尚嫌過重。幸而施之於苔潤津回之後。尚無大害耳。甚矣處方之難也。

○中風案

朱阜山
寶山縣劉行鄉奚佳町

【病者】徐寶和。年五十九歲。業農。住劉行鄉陳巷宅。

【病名】中風。

【原因】元氣素弱。兼患痰飲。操勞過度所致。

【症候】卒然昏倒。人事不省。目閉口開。手不握固。喉間痰湧。漉漉有聲。

【診斷】真陽虛竭。無根之火。倉猝飛騰。氣湧痰升。迫血入腦。激亂神經。知覺運動。神經所司。神經失其平衡。知覺運動。因之全失。西人名之曰腦充血。與素問氣血並走於上。則爲大厥一條互證。更爲明顯。脈搏五十六至。浮洪無力。體溫攝氏表三十七度。舌滑無苔。

